

新刊萬氏家傳幼科發揮

知不足齋序

造化大慈也有所授之手焉有智於其微而身皆
傳之者是帝之力臣而軒岐氏嗣響也慈父母金
所備談憂戚顧乃於意實嗜好而物之有形無形
之別也無形而泅天穌即慈父母之懷猶然災疹
之區矧乎寒熱燥濕之微茫而又以的為務乎或
者謂彭殤有主方書之奇也鯨龍之代非脆也則
參朮芩苓當不與山青並爛其半為造物所竊者
天與人並不至也而不見夫蓬蓬者乎塞向有方
指而勝之躡而勝之南北海而躡躡猶有及也而

不見乎豫章之木乎鄧林之腴青陽之德然必七
年而後可覺方芽而斲削是尋其盡也斯頃柰何
養赤子者愛按一指一嚼斧斲而還自賊也其忽
錙銖其讐什伯蚤覺者反是操寸帙而攻萬雍代
冥冥力故耳目適貴於方輿之內所謂朝必軒而
參元宰者萬民按此道至焉哉廣嗣者号嚮皇皇
焉而幾得之已痘者吟治皇皇焉而幾得之其危
而不可必者屢屢也斯書成人之命所必欲得者
無不得之於萬民則非鄭龍之詭而其脆之可通
常也手授其徒命曰家秘不佞奄有赤子之邦不

以廣而傳之是蔽造化之大慈而不能得之枚萬
氏者無以得之於天矣不佞又不以歸萬氏而歸
之真真有神授之者也庶幾附於如保之意

汶萬氏幼科源流

粵自先祖杏城翁諱章人以幼科鳴第一世蚤卒
先考菊軒翁孤繼其志而述之成化庚子客於羅
娶先妣陳氏生不肖乃家焉其術大行遠近聞而
誦之萬氏小兒科云為成世羅有鉅儒張玉泉胡
柳溪講明律曆史綱之學翁知全可教命從存校
夫子之門而學焉頗得其傳翁卒矣顧其幼科之
不明不行也前無作者雖美弗彰後無述者雖盛
弗傳不肖之責也故予暇日自求家世相傳之緒
散失者集之缺畧者補之繁蕪者刪之錯誤者訂

之書成名育嬰家秘以遺子孫為三世惜乎有子
十人未有能而行之者其書已流傳於荆襄閩洛
吳越之間莫不曰此萬氏家傳小兒科也余切念
之治病者法也主治者意也擇法而不精徒法也
語意而不詳徒意也法愈煩而意無補核世不如
無書不著勿科發揮以明之者發明育嬰家秘之
遺意也吾不明後世君子必有明之者不與諸子
恐其不能明不能行○氏之澤未及肆世而斬矣
與門人者苟能如尹公他得庾公之斯而教之則
授受得人夫子之道不墜

若陳相繼周孔之道亦終
失其傳也而廣最之哉

目錄

胎疾

臍風

變蒸

兼證

幼疾

五臟主病

肝經主病

肝所生病

兼證

急慢驚風

急驚風有三因

急驚風證

變證

類證

天釣似癇

痘

病似天釣

盤腸似內釣

客忤似癰

中惡似癰

白虎證似癰

虫病似癰

馬

脾風似癰

慢驚有三因

驚風後餘

心經主病

兼證

心所生病

諸汗

諸熱

熱有表裏

熱有虛實

脾經主病

兼證

脾所生病

腫脹 腹痛有虫有積 積痛

吐瀉 泄瀉 痢疾 瘡 疥 痘

調理脾胃

肺臟主病

兼證

肺所生病

喘嗽

腎臟主病

兼證

腎所生病

五臟虛寔補瀉之法

因五邪之氣所生病

新刊萬氏家傳幼科發揮卷之上

羅田密齋 全編著

雲林澹齋胡 畧校定

男清宇胡廷佐編次

胎疾 小兒初生至周歲有疾者皆爲胎疾

氣陽也血陰也人之有生受氣於父陽之變也成形於母陰之合也陰陽變合而成其身身之中形臟四頭面一也耳目口鼻二也手足三也皮肉筋骨四也神臟五心藏神肝藏魂脾藏意肺藏魄腎藏志是也凡九臟者皆父母一體而分者也形拘于一徧而不

能相通者陰之靜也神隨感而動者陽之動也兒之初生只是一塊血肉耳雖有形而無所用雖有五臟而無其神猶空臟也至於寢蒸之後皮肉筋骨以漸而堅聲色臭味以漸而加志意智慧以漸而發知覺運動而始成蓋此天地生物之心至誠不息

有因父母稟受所生者胎弱胎毒是也胎弱者稟受於氣之不足也子孩父母一體而分如受肺之氣為皮毛則氣不足則皮脆薄怯寒毛髮不生受心之氣為而脉心氣不足則血不華色而無光彩受脾之氣為肉脾氣不足則肌肉不生手足如削受肝之氣為

筋肝氣不足則筋不束骨機閉不利受腎之氣為骨
腎氣不足則骨軟此胎稟之病當隨其臟氣求之肝
腎心氣不足宜六味地黃丸主之脾肺不足者宜參
苓白朮丸主之子之氣弱皆父母精血之弱也所謂
父強母弱生女必羸父弱母強生男必弱者是也故
凡有頭破顙解神慢氣少項軟頭傾手足痿弱齒生
不齊髮生不黑行定坐立要人扶掖皆胎稟不足也
正宜六味地黃丸主之

胎毒者精血中之火毒即命門相火之毒命門者男
子以藏精女子以繫胎也觀東垣有紅腐之論丹溪

胎毒之論治法可見矣。古方有解毒之方，如黃連甘草法，又有育嬰解毒延齡丹，皆良法也。予新立一方，用升、溪、三、補、九、方、冬、連、葉、半、生、用、半、酒、炒、甘、草、半、生、半、炙、各、等、分、為、末、雪、水、丸、麻、子、大、硃、砂、雄、黃、為、衣、名、曰、生、熟、解、毒、丸、小、兒、日、與、服、之、佳。

有胎毒所生者，如蟲疥、流丹、浸淫、溫瘡、癰疽、結核、重舌、木舌、鵝口、口瘡，與夫胎熱、胎寒、胎黃、胎驚之類，兒之初生，有病多屬胎毒。如一臘之臍風、百晬之痰嗽，難醫。恰半歲而真搐者，內未一周而流丹者，死難救也。况初生之兒，腸胃薄小，血氣未充，藥石則難進也。

榮衛微弱筋脉未實鍼灸則難周也業勿科者慎勿
忽諸

一小兒丹發於臉眼中紅腫手不可近三日死
一小兒生下一月後遍身蟲疥浸淫濕爛其皮如脫
日夜啼忽一日其瘡盡隱發搐而死

或問胎稟不足之證得於父母有生之初如何醫得
予曰諸器破損者尚可補之豈謂胎弱者不可補之
乎貴得其安也夫男女之生受氣於父成形於母故
父母強者生子亦強父母弱者生子亦弱所以肥瘦
長短大小妍媸皆肖父母也兒受父母之精血以生

五臟不足者。古人生地黃丸主之。或曰五臟不足。而專補腎。何也。曰太極初分。天一生水。精血妙合。先生兩腎。腎者五臟之根本也。經云。植木者必培其根。此之謂也。

或問胎毒之說。予曰先賢論之詳矣。蓋人生而靜。天之性也。感物而動。胎之欲也。欲者火也。故思慮之妄。火生於心。悲怒之發。火生於肝。悲哀之過。火起於肺。酒肉之饜。火起於脾。淫佚之縱。火起於腎。五欲之火。隱於母血之中。即是毒也。男女交構。精氣凝結。毒亦附焉。此胎毒之原也。如謂兒在母腹。飢則食母之血。

渴則飲母之血及其破胎而出口有餘血拭之不淨
嚥下腹中是名胎毒斯言也一人倡之百人和之未
有辯之者此書之不可盡信也胚胎資始父精所生
身體資生母血所養是水珠露花男女漸分毫髮筋
骨形象斯具誕彌厥月氣足形全乃破胎而生矣初
在母腹之時如鳥之雛伏於卵殼之中何所飲食耶
口之血乃母臨產惡露漬入口中未必是母腹中所
嚥血也既云嚥下腹中則入於大腸界從大便出矣
安得留在命門待時而發耶詳見痘疹心要

一兒頸細其父常問於予可養何如予曰頸者頭之

多和陽指卷之上
莖也頸細則不能任元在父母調養之八歲後再議
至五歲死

一兒解顱未一歲認字念書父母甚愛之予曰此兒
胎稟不足腎虛顱解真陽弱矣聰慧早發真陽洩矣
恐遺父母憂未一歲而發搐死

一兒同歲後多笑予曰此兒難養父問其故予曰腎
為水心為火水陰火陽陰常不足陽常有餘笑者火
之聲也水不勝火故知難養父曰諸兒笑者皆不可
養乎予曰待人引之而笑者此有情也見人自笑者
此無情也後以瘡痘死

一兒頭縫四破皮光而急兩眼甚小予曰腦者髓之
海也腎主骨髓中有伏火故髓熱而頭破額顙大而
眼楞小也宜服地黃丸父母不信至十四歲而死
一兒一日發搐五日不醒藥石難入予鍼其三里合
谷人中而醒父母喜曰吾兒未出痘疹願結拜為父
乞調養之予曰養用鍼時鍼下無氣此稟賦不足也
如調理數年後出痘疹可保無事若在近年不敢許
次年果以痘疹死
一兒四歲出痘時頭軟頭傾不能自舉予謂其父曰
此兒胎稟不足瘡毒正發壯火食氣亟補元氣使痘

易發易罄幸而保全再補其陰不然恐難出二八數也乃大作調元湯連進之獲安

有三因所生之者衣太厚則熱太薄則冷冷熱之傷此外因也乳多則飽乳少則飢飢飽之傷此內因也客忤中惡墜仆折傷此不內不外因也順乎天時適其寒溫則不傷冷傷熱矣慎擇乳母節其飲食則不傷飢飽調護之謹愛惜之深必無縱弛之失矣慎勿使庸醫妄用湯丸誤見性命

臍風

治未病臍在兩腎之間任衝胃三脉之所係也見之

初生新臍護臍不可不慎故斷臍之時隔衣咬斷者
上也以火燎而斷之次也以剪斷之以火燎之又其
次也護臍之法臍既斷矣用軟布纏裹待乾自落勿
使犯去也三朝洗兒當護其臍勿使水漬入也臍落
之後當換抱裙勿使風及臍中也如此調護則
無臍風之病所謂上工治未病十得十全也

治初病兒生旬日之內臍風為惡病也凡覓小兒噴
嚏多啼此臍風欲發之後急抱兒向明窗處審視口
中上鵬有泡如珠如米或聚此病根也其色白者初
起也黃者久也可用銀窰耳輕手刮出煎甘草薄荷

湯拭洗之。預取桑白皮汁塗之。自此日。目視之。有即去之。不可因循。以貽後禍。所謂中工治初病。十全六七也。

治已病。不知保護。于未病之先。不知調護。于初病之日。其氾子落八腹中。變為三證。一曰撮口。二曰噤風。三曰鎖肚。證雖不同。皆臍風也。撮口證。兒多啼。口頻撮者。此臍腹痛也。可用雄黃解毒丸。加乳香沒藥。各五分。丸如黍米大。每服五丸。竹瀝生薑自然汁送下。利去惡涎。良外用新艾炒熱杵爛。護其臍。頻換。使溫煖之氣不絕也。不乳者。不治。

噤風證。牙關緊急。不能吮乳。啼聲不出。發搐者。不治。
鎖肚證。臍突青腫。肚腹脹大。青筋浮露。大便澁。不通
者。不治。

或問臍風三證。古人有方。何謂不治。予曰。一臘之內。
謂初生八日。草木方萌。稍有觸犯。即便折傷。經曰。根
干中者。命曰神機。神去則機息。故噤風者。乳食不得
入。則機廢于上矣。鎖肚者。便溺不得出。則機廢于下
矣。所謂出入廢。則神機愴戚者是也。神出機息。雖有
神丹。不可為也。豈蜈蚣蠶蝎諸毒藥之可治耶。

一小兒生後三日。啼哭不乳。予視其證。非臍風。乃臍

腹痛也。取蘄艾杆爛火上烘熱掩其臍上以帛勒之。
頃臾吮乳而不啼矣。

一小兒生八日噴嚏多啼請予視予曰此臍風也視
其上果有泥色變黃矣乃取銀挖耳刮去之其父慘
然愛惜之心見于形色故去之未盡也有老嫗聞之
急使婢女告其父當急去之其言迫切父益懼自取
銀挖耳刮之不惜也遣人告予予面書云旬日後當
發驚風後果病迎予治之許厚報之且泣曰予三十
六歲得此一子也予曰無傷授以至聖保命丹而愈

變蒸

變蒸非病也。乃兒生長之次第也。兒生之後，凡三十
二日，一變。變則發熱、昏睡、不乳，似病非病也。恐人不
知，誤疑為熱，而汙下之，誅罰無過。名曰大惑。或誤以
變蒸得於胎病中者，或曰：兒之生也，初無變蒸。既生
之後，當以三十二日一變。至于三百八十四日之後，
又無變者，何也？曰：初無變蒸者，藏諸用，陰之闔也。中
有變者，顯諸仁，陽之闢也。終無變者，陰陽闔闢之機
成也。故不復蒸也。故兒之初生，語其皮肉，則未實也。
語其筋骨，則未堅也。語其腸胃，則穀氣未充也。語其
神智，則未發開也。只是一塊血肉耳。至于三百八十

四日然後臟腑氣足經絡肱滿軟肉莖莖以漸而食方成人也

或曰變蒸之日必以三十二日者何也曰易傳云性之謂易易者變易也不變不易不足以見天地生物之心人有五臟六腑以配手足十二經絡腑屬陽以配陽卦三十二臟屬陰以配陰卦三十二取其一臟一腑各以三十二日一小變六十四日一大變陽卦之爻一百九十二陰卦之爻一百九十二合歲並閏月凡三百八十四爻所以變蒸一期之日三百八十四以應六十四卦爻之數也或曰三十二日一小變

六十四日一大變所生者何物也所生之物亦有說
歟曰形既生矣復何生也所生者五臟之知覺運動
也故初生三十二日一變生足少陰癸水腎之精也
六十四日二變生足太陽膀胱壬水而腎之一臟一
腑成矣此天一生水矣水之精為瞳子此後始能認
人矣凡十六日三變生手少陰心丁火一百二十八
日四變生手太陽小腸丙火而心與小腸之一臟一
腑之氣足矣此地二生火也火之精為神此後能嬉
笑也一百六十日五變生足厥陰肝膽乙木一百九
十二日六變生足少陽肝膽甲木而肝與膽一臟一

腑受氣足而神合矣。此天三生木也。木之精為筋。此後能坐矣。二百二十四日。七變生手太陰肺。辛金。二百五十八日。八變生手陽明大腸庚金。而肺與大腸一臟一腑之氣足矣。此地四生金也。金之精為聲。此後始能言人語矣。二百八十八日。九變生足太陰脾。己土。三百二十二日。十變生足陽明胃。戊土。乃脾胃一腑一臟之氣足矣。此天五生出也。土之精為肉。脾胃主四肢。此後能匍匐矣。三百五十二日。十一變生手厥陰心包絡。三百八十四日。十二變生手少陽三焦。三焦配腎。腎主骨髓。自此能坐能立能行矣。變蒸

已足形神俱全矣正如蠶之眠不如是不足成令矣
凡一變之過則筋骨手足以漸而堅知覺運動以漸
而發日異而月不同日變者變易也日蒸者發熱也
初訓云變然雖是胎疾非胎熱胎毒之可比矣此少
陰生長之氣發育萬物者兒之強者雖有是病不覺
氣弱者始見如變後形體漸長知歲漸增反為無病
也故無治也古方黑子散始置之可也其間或有
未及期而發熱者或有變過熱留而不除者抑有他
故須詳察之如昏睡不乳則不須治待其自退

變證

憂證之時有外感風寒者宜發散惺惺散主之按摩
法亦可用也內傷乳食者宜消導胃苓丸主之輕
則節之可也有被驚嚇及容甘者安神丸至聖保命
丹如變熱過受病以治病為主慎勿犯其胃氣咳嗽
耳草桔梗湯加阿膠吐瀉理中湯加霍香葉藿風琥
珀杞龍丸瀉青丸漁赤散如受病後而變熱養正補
脾為主錢氏異功散加對病之藥

惺惺散四君子湯加蘇葉

加防風

湖廣按察司憲長有子九月發熱恐是痘疹差人來
取全純見之非痘是變熱也公曰何以辨之全曰以

目計又有當燻蒸之期以證察之亦無痘疹之證公
問痘何證也全曰痘者五臟之液毒也故五臟各見
一證呵欠驚悸心也項急頓悶肝也咳嗽噴嚏肺也
吐瀉昏睡脾也身體皆涼腎也今公子無之知非痘
乃燻蒸將退也次日果安公喜汝術甚精贈以白金
五兩應付而歸

本縣胡正儒有子二月發熱不乳予見之雖似燻蒸
非燻蒸也時乳母皆肥健者必因傷乳發熱也今損
之次日熱退而安矣

幼疾

見主一歲後至七歲後燻蒸已足脈雖難
診口則能言病多傷食之證八歲已後有

脈可診證與大人同但劑小耳

有因氣動而病生於內者如盤腸內吊蛇蟲瘕塊之類有因氣動而病生於外者如重舌木舌鵝口口瘡癰疽瘡癰之類有不因氣動而病生於內者如傷食食生冷之類

有不因氣動而病生於外者如感冒四時金刃湯火傷之類 右上四因之病治見各證之下

一小兒周歲因初食雞肉太早自此成積日漸羸瘦不思乳食其父以詳告予予取藥治之養脾去積丸先服三日後服丁香脾積丸雞肉湯下取下雞肉一

片猶未化也再進養脾丸而愈

家傳養脾消積丸

消宿食去陳積

白朮一兩

陳皮

七錢五分

蒼朮

厚朴

姜汁炒

枳壳

夫壯

半夏曲

青皮

神曲

麥芽

山楂各五錢

甘草炙三錢

右為細末蒸餅為丸

黍米大每服二三十丸米飲

送下育嬰延齡解

毒丸能解胎毒初生小兒宜服

兒斷臍帶連胞不拘長短剪取新瓦上焙乾每一錢

加生甘草末二錢黃連末一錢朱砂飛半錢共和勻

生白砂糖調和磁罐收貯每服一豆許內兒口中以

九送下一日一次藥盡而止

五臟主病 肝經主病

肝主風 實則目直視呵欠大呼哭項急煩悶

虛則交牙呵欠氣溫則內生氣熱則外生也氣謂

口中氣也 實則瀉青丸當歸龍薈丸瀉之 原

則也黃丸補之

瀉青丸 治急驚搐搦主肝熱

羌活

防風

當歸

川芎

山梔仁

龍膽草

大黃 酒浸紙煨各等分

右為末蜜

九次實大每服半丸至一九煎竹葉湯砂糖化下

當歸龍薈丸

治腎肝陰虛風熱蘊結發驚悸抽搐

藥

當歸兩

龍膽草兩

山梔子兩

黃連三錢

黃蘗兩

大黃五錢

蘆薈五錢

青黛五錢

木香一錢

射香五分

黃芩兩

右為細末蜜丸麻子大每服五丸至十五丸竹葉

湯下

地黃丸 治小兒胎稟不足腎怯不言解顛兒大不

能行又治肝疳白膜遮睛淚血失音身瘦瘡疥

熟地黃八兩焙取末

山茱萸焙

山藥各四兩

白茯苓三兩澤瀉

牡丹皮

各二兩

右為末蜜丸芡實大一歲兒服一丸二歲以上加至三丸空心溫水下

兼證

蕭風搐搦牽引咽斜皆肝之病也宜獨青丸主之

一小兒七月發搐無時昏睡不醒不哭不乳搦之劄之不痛啼之鼻不建灌藥不入予曰此真搐也不可治夫兼見心證則發熱而搐予曰肝有風則目連灸小搐得心熱則搐肝有熱則目直視不搐得心熱則搐瀉肝瀉青丸瀉心瀉赤散方見肝心下兼見脾證輕則昏睡不嗜飲食常視其大便何如大便秘者宜蜜煮法慎勿下之恐下得脾震反為驚疾

大便潤者宜琥珀抱龍丸主之

茲見肺證喘急聞亂痰涎壅塞源從大小便以利之
如喘息有聲肩聳脰高喉中痰響皆不治清寧散

三三 清寧散驚熱出於心肺源從小便利之

白皮蜜水

赤茯苓

車前子

鮮葶藶湯

山梔仁

各等分

耳草炙 戎半

右為末每服半錢姜

煎水煎服汗熱則大小便難加煨大黃下

一小兒痰壅而發搐氣促而喘予用礞石滾痰丸棄

白皮並湯碾碎調服之喘定痰下搐亦止矣

兼見腎證暴暗失音手足強直此從風治輕者地黃

凡生之重則為廢疾而不可治矣

五臟諸證

此因五臟氣動所生之病乃病生於內者也

肝所生病

諸風痺眩皆屬肝木脉訣云熱則生風是也

急慢驚風

急驚風者肝風甚而心火從之木生火從前來為實邪實則瀉之宜用瀉青丸以瀉肝之風兼赤散以瀉心之火

慢驚風錢氏云脾虛則吐瀉生風此脾土散而肝木

乘之肝屬木而脾屬土從所不勝來者為賊邪故慢驚為難也脾虛生風虛則補之東垣用調元湯加白朮主之此以黃芪人參補脾之虛白芍藥甘草以瀉肝之實誠千古不傳之秘法也予加桂在內乃黃芪建中湯木得桂而枯古方治慢驚者如醒脾散觀音散皆良法也可用之

醒脾散

人參

陳皮

甘草

白朮

白茯苓

全蝎

半夏曲

木香

各三錢

白付子

四個

右為末每服一錢

連二枚姜三片水煎

觀音散

全蝎

十個去毒炒

天麻

防風

白芷

黃芪

甘草

白茯苓

二

錢五

人參一錢

扁豆錢五分姜汁炒

為末煮湯下

或開口上工治未病急慢驚風何以預治之曰方其熱甚之時頭紅面赤而目如怒直視不轉者此驚風之似也宜服河間當歸龍薈丸以瀉肝膽之火則不成急驚風也當吐瀉不止之時見其手足陰腫露睛口鼻氣出冷者此慢驚風欲成之似也急用參苓白朮散以補脾琥珀抱龍丸去枳殼枳實加黃芪以平

肝列慢驚風不能生矣此吾得傳秘法

參冬白朮散

人參

白朮

白朮冬

山藥

扁豆 去壳姜汁浸炒而半甘草

桔梗

慧苡仁

蓮肉各一兩

為細末蒸湯送下

琥珀抱龍丸

治小兒諸驚風四時感冒寒溫風暑

直疫邪熱煩躁不寧痰嗽氣急及瘰

疹欲出發搐并宜服之此予家傳常

用之方

真琥珀

天竺黃

白檀香

人參

白茯苓

各兩半

粉草

去節二兩

枳實

枳壳

楚炒各二兩

朱砂

五兩

牛膝

南星

一兩

山藥

一兩

百片為衣

右各製取末和均用臘雪溶水如無

雪取新汲或長流水杵為丸如芡實大大均重半

錢陰乾每服一九煎薄荷湯下

此方內有補益之藥人皆喜而用之但有枳壳枳

實能散滯氣無滯氣者損胸中至高之氣如慢驚

風及元氣弱者減此二末用當歸川芎各二兩代

之

至聖保命丹

一名紫金錠子

膽星

僅系

白付子

銘一

全蝎

十四枚

天麻防風

一錢

辰砂

錢半水飛

麝香

一字

玳瑁

五分

琥珀 三分

金珀

二十片

右為煨末與藥和為

九分為二十錠金珀為衣每一錠薄荷葉煎湯磨

服

礞石滾痰丸

降火墜痰之要藥方見大方脈科

涼驚丸

諸熱通用此吾家傳之方又名金花丸

黃蘗

黃連

黃芩

山梔仁

各

分

硃砂

水飛成

一本有龍膽草

等分

右為細末臘雪水為丸麻子大薄荷湯送下

幼科發揮卷之上

七

教文堂

三黃瀉心丸 一名三黃五色丸 麻利諸驚熱

黃連

黃芩

大黃 各等分 為末 雪水

九麻子大溫水送

均分作五分用衣

一分珠砂衣

一分青黛衣

一分雄黃衣

一分輕粉衣

一分蘆薈衣

木通散 能瀉肝風降心火最利驚熱

山梔仁

大黃煨

羌活

木通

赤茯苓

牛草

以上各等分 右為末 每服一

字 紫蘇葉煎湯送下

諸瘧汁藥方

定志丸治驚入成癇

人參

白茯苓

遠志

石菖蒲

酸枣仁

柏子仁

各錢半

琥珀

珍珠

膽星

鐵花粉

錢名

一銖砂飛

射香

名

右為末水煮山藥粉為丸黍米大每服十五丸燈
心煎湯下更煮猪心與兒食之以助藥力

急驚風屬陽病在六腑易治宜用京瀉

慢驚風屬陰病在五臟難治宜用溫補

或問病有急慢陰陽者何也曰肝主風木也飄驟急
疾莫甚於風心主驚火也暴烈飛揚莫甚於火木火

陽也。故病在于心。肝者謂之急。而屬陽。脾胃者土也。沉重遲滯。莫甚于土。脾土者。至陰之屬也。故病在于脾者。謂之慢。而屬陰。肝常有餘。有餘則瀉。而損之。脾常不足。不足則補。而益之。至于心主驚。肝主風。似宜前論。然火資風勢。風資火威。風火相扇。而發情。故不可別論也。驚風之病。有兼證者。有類證者。不可不辨也。

急驚風有三因

有外因者。如感冒風寒。溫濕之氣。而發熱者。宜即發散之。和解之。以除其熱可也。苟失而不治。熱甚發搐。此外因之病也。宜瀉赤散。瀉青丸主之。

有內因者。如傷飲食發熱者。即宜消導之下之。如保
和之。三黃枳朮丸之類。以除其熱可也。苟失而不治。
其甚發搐。此內因之病也。當視大小便何如。如大便
不通。先去其宿食。宜木香枳朮丸。及膽瀝湯。大便潤。
宜辰砂五苓散。琥珀抱龍丸。主之。

有不內外因者。如有驚恐。或客忤中惡。得之。蓋心藏
神。驚有傷神。腎藏志。與精。恐有傷腎。經云。隨神往來。
謂之魂。并精出入。謂之魄。故神傷則魂離。精傷則魄
散。小兒神志怯弱。猝有驚恐。所以精神潰亂。魂魄飛
揚。氣逆痰聚。乃發搐也。客忤中惡。出其下意。大人且

驚。况小兒。宜先去其痰。辰砂膏主之。後安其神。琥珀抱龍丸主之。有熱者。東垣安神丸。下痰之藥。慎勿用。輕粉。巴豆之類。恐傷元氣。損脾胃。誤殺小兒。

錢氏抱龍丸 治小兒風痰熱甚昏睡急驚

雄黃飛 天竺黃各四錢 膽星一錢 射香三分

硃砂飛四錢 右為末。煮甘草膏。九次。實大薄荷

湯化下

辰砂膏以通心氣 朱砂飛一錢 牙硝

雄黃飛各二錢五分 射香二字 金箔

銀箔各十五片 白付子 枳壳炒冬三錢

川芎

白茯苓

各四錢

人參

黃連

遠志各二錢

右除前六味另碾後七味共為末

和以蜜丸如實大每服一丸麥門冬煎湯化下

此砂青加減

此味

或問熱盛則生痰痰盛則發搐錢氏有利驚丸以下其痰陳氏有芎芎散以吐其痰皆可用否予曰藥不執方合宜而用可也見壯實者吐之下之病則止見怯弱者不可猛浪反傷元氣大抵痰在咽喉之中壅塞沾滯藥食不得入者則宜吐而去之此在上者越而治之法也宜用礬蚕牙皂炙焦等分碾末每服少

許以土牛膝根自然汁灌之即吐吐後却進下痰藥
効五色三黃丸礞石滾痰丸辰砂膏皆可用之辰砂
膏下痰甚妙辰砂飛三錢礞砂

玄明粉二錢全蝎去毒

馬牙硝各錢

射一字

右為末和均用好油單紙包起自然成

膏每用一粒許治諸驚薄膩下治胎驚乳汁調寒
湯下

予初習醫治一兒二歲痰搐而死請予至主家痛哭
乃阻之告其父曰此兒面色未脫手足未冷乃氣結
痰壅而悶絕非真死也取艾作小炷灸兩手中衝六

火方及肉而聲大哭父母皆喜遂用家傳治驚方以
雄黃解毒丸十五丸利其痰涼驚丸二十五丸去其
熱合之煎薄荷湯送下頃臾利下黃涎搐止矣子歸
父問用何藥如是速效全以具告父父語母曰吾有
子矣

一兒發搐痰壅有醫用白餅子下之不退凡三下病
益深合目昏睡不哭不乳喉中氣鳴上氣喘促大便
時下予曰五臟氣絕病不可治轉下之過也被醫曰
白餅子錢氏下痰神方也予曰盡信書不如無書錢
氏小兒皆出于門人附會之事也蓋人之有痰猶木

之有津時今大熱草木流津痰自熱生此明驗也痰猶水也附氣自行逆顙在山豈水之性哉乃博敏使之也今痰隨火上不知降火而反下之損其胃氣胃氣既攻五臟俱損故目不開者肝絕也昏睡不乳者脾絕也啼聲不出者心絕也喘促痰響者肺絕也便溺遺失者腎絕也果不可治而死

邑中有儒醫治病有奇方惟性太執不知變通時有小兒發搐予謂急驚當用涼瀉導赤散瀉青丸是也彼謂驚風者肝火鬱遏而成也火鬱則發之小續命湯是也人不能決而從之予所治者一日而安

彼治者死悔不信吾言無及矣

一兒發搐先取善推法推之止向後發病益危甚予曰推法者乃針灸按摩之遺意也經曰無刺大聖人推插之法壯實者可用之如怯弱者其氣不行推則有汗反傷元氣也其家不信予言予曰不死必成痼疾半月後果死

一兒發搐因有推法暫退一月後如期復發又推之或一月一發或一月再發予曰病成痼矣推法者乃發表之意痰涎在心不得出也幸初成痼者當可治若久則為終身痼疾不可治也因立方用

黃連五錢

硃砂

飛二錢半

白甘遂

三分

膽星

一錢

為末粟米糊丸積猪心血杵勻丸芡實大每服一
丸燈草煎湯化下夜服三日服一遂安

癸亥二月英山縣大尹前縣兵公一子發摘彼醫以
二陳湯姜汁竺瀝治之不退公初來任遇羅與全有
識承差人請之全往視其外候三關青氣兩頰赤色
目常直視指如燃物曰此得之外感未與發散熱入
于裏錢氏曰肝有熱則目直視得心熱則發摘又曰
兩頰赤而目直視必作驚風小兒肝管有餘又乘木
旺之時當與瀉肝若二陳湯陳皮半夏生姜之辛皆

助肝之物經曰以辛補之所以無效乃用瀉青丸以瀉肝木之有餘導赤散以瀉心之火一服而痛即止公喜謂其下曰所見不同用藥即效真良醫也後到時吾心有主今果無憂矣全見其胎稟素怯脾胃且弱恐後作搐便成痼疾又作琥珀丸與之常服而安斷水沙坂徐淑道一子患驚風先求醫張姓者治之數日不效謂予往痰喘正急驚搐頻發予先治其痰次治其搐以次而定唯身熱猶熾張姓者欲用解毒湯竺葉湯小柴胡湯予皆不可謂之曰小兒肝嘗有餘脾嘗不足病發於肝風木太旺脾土受傷此乃肝

熱勿用寒涼致損中氣也乃用四君子湯加炙黃芪
炒黑乾姜一服而安

一小兒年五歲夢中驚哭抱其母叫怕此因被驚悸
得之予製一方用人參麥門冬白茯苓神黃連酸棗仁
栢子仁炙甘草朱砂各等分一半水煎一半入地黃
加炙甘草為末山藥粉糊丸黍米大每服二十五丸
灯草煎湯下未盡劑而安

一小兒周歲發熱而搐以瀉青牛按之不効乃問其
發搐之狀其母曰搐過後只好睡以乳與之則飲不
與乳飲則不思乳醒時則戲作搐兒聲見人則笑不

發搐便是好了予曰醫要識證藥要對證底前藥之不効也以藥赤散服之一劑而安其父問是何故予曰心臟屬火其聲為笑火生于寅屬虎猶若虎之類也猶聲而笑知非肝病乃心病也故以藥赤散瀉其心火而安聞者嘆服

急驚風證

臍風發搐者難治

初生月內臍風證發搐者此胎驚也宜至聖保命丹金銀磨水送下

或用全蝎一枚薄荷葉包炙為末珠砂末三分和勻猪乳調五粒許服則常發者名胎癇不可治也如

變蒸發熱甚發搐者只用導赤散瀉青丸主之効
瘡疹未出發搐者此吉兆也宜用導赤散煎調朱砂
服之効或將醫發搐者西北也此毒氣攻心宜急解
救之用真牛黃腦子各一分硃砂末五分和勻猪尾
尖血和丸小粟粒大每一丸燈草煎湯化下
丹瘤發痛視其先後何如先發丹後發瘤者不治此
胎毒自外入裏也先發搐後發丹此名驚丹可治此
胎毒自內而外也宜用大連翹飲主之

連翹

瞿麥

滑石

車前子

大力子

赤芍 各錢

木通

去子

常歸

防風各五分黃芩錢半

柴胡

甘草

炙各二錢

荊芥穗一錢蟬蛻

右為細末再加

大黃灯心水煎

蟲疥浸淫瘡入腹發痛難治急用雄黃解毒丸升麻煎湯下瘡再發見痛止者吉咳嗽發痛視其病之新久如初咳嗽時痰甚氣促連聲不止而不能治發痛者宜葶藶丸蘇葉煎湯下利去其痰咳止痛亦止矣如久嗽不止者難治宜用小阿膠散服五分至一錢煎去渣灌下如發痛後變嗽者此風邪入肺也宜人參荊芥散再發之

陳皮 去白

荊芥穗

桔梗

半夏

細辛

甘草炙

杏仁 去皮尖

木通

桂枝 各等分

右煎姜引

泄痢發痛如先吐瀉或痢痰久不止以致脾胃虛弱
者此慢驚風也難治如先發痛後發泄痢者此因發
痛之時多服利驚下痰之藥或多服寒涼之藥傷其
胃氣泄痢不止宜補瀝之錢氏異攻散加木香砂仁
肉豆蔻 州柯子肉為末山藥粉糊丸米飲下調之
瘧疾發痛瘧作熱時發痛者此宜截去其瘧瘧止痛
亦止矣小柴胡湯加常山樨榔烏梅發月服以截其

瘧發過服辰砂五苓散以定其搐神効如發搐後寒
瘧者此脾風之證也宜平瘧養脾丸主之

薪水李中庵醫僑也一兒未周歲因傷食發瘧間一
日一發在子丑時瘧發搐亦發也發時咬牙呻喚大
便黃綠努黃而出用口吮母口得乳即止瘧後汗出
心下跳悸中鳴退後頂上有小熱其父母愛惜之心
瘧退搐退則喜而稱愈瘧搐俱發則憂懼不勝其母
又不禁口病未十日成痺矣面色眊白顛陷髮疎兒
漸羸瘦請予治之予曰此兒先受暑濕暑則為瘧濕
則為痰又傷飲食助其暑濕之邪暑則傷心濕則傷

脾暑生熱濕生痰脾土一衰肝木隨旺瘡曰食瘡亦
曰食疳當從虛治且大哭手撒皆肝膽之病子時屬
膽咬牙者心肝俱熱也肝木心火子母病也大叫哭
者肝病也呻喚者腎病也腎水肝木母以子病也肝
者厥陰風木也心肝者少陰君火也水火相搏則內
作痛故大便努黃而出用口吃母之口此內熱作渴
也兒口不能言得乳自解汗出者初發之時邪氣拂
鬱及其退而有汗此真氣外泄也故治瘡之法無汗
要有汗散邪為主有汗要無汗養正為主此兒汗泄
于外便泄于內心下跳腹中鳴皆火盛證也肝膽從

原缺

之

黃連五錢

白茯苓

石菖蒲

錢

膽星

珍珠

鐵華粉

錢

朱砂飛三錢 其遂五分

右為細末

粟米粉煮糊八錢 猪心血三枚同杵均為丸如彈子大每一丸取價心一枚切開兩片入藥在內錢緊定水煮熟分三服本湯送下

一見三歲病驚風後未服豁痰安神之藥自後成癇每發之時面色青黑兩目連劄口如嚼物涎出千口昏眩仆地當欲發之狀即以手探其口中以吐其涎如此調理至七歲不作矣

一兒四歲病驚已絕予用錢刺其湧泉一穴而醒自此驚已不發予謂其父曰此驚雖未發未服豁痰之藥若下早治恐發癇也父母不信未及半年兒似癲逆飲食便溺皆不知也時後昏倒果然成癇病其父來訴曰不信先生之言誠有今日之病願乞醫治不敢忘報予乃問其子爾病發時能自知乎子曰欲昏則發乃作錢氏安神丸加膽草服之教其父曰爾子病將發時急插兩手合谷穴如此調理一月而安急驚風成癲者肝主風風淫末疾故驚風之後有手足癱瘓而不能舉者此血虛不能養筋故也宜地黃

是加膏肓牛膝用獨活肉桂為丸服之

一女子十四歲病驚風後右手大指次指屈而不能伸筋用羌活防風天麻全蝎僵蚕蜉蛻諸風藥治之病益甚予嘆曰彼庸醫也不知手足不隨血虛也伸而不能屈者筋弛長也屈而不能伸者筋短縮也皆血虛不能養筋之證也手大指者太陰肺經之所主手次指者陽明大腸之所主與大腸皆屬燥金此血燥之象也一切風藥助風生燥故血轉虛而病轉盛口授一方用黃芪人參天麥門冬生熟地黃當歸各等分官桂減半為引經橫行手指之端其為未密練

九芡實大每一丸食後湯化下
一小兒驚風後右手羈硬五指拳曲不能舉物兼口
角流涎語言蹇澁予曰此脾有濕痰脾不足而肝木
乘之不可治也

急驚風煩證

天鈞似癇

天鈞者性熱驚悸眠耳翻騰手足指掣或啼或笑喜
怒不常甚者反甲皆青如祟之狀故宜和解風熱鈞
藥散主之

鈞藤

二錢五分

防風

朱砂飛

蟬蛻

白茯苓

各半

大黃

酒浸
梔子

羌活

獨活

青皮

升麻
二錢

右為末姜末煎服

此瀉青丸變化加減也

瘧病似天鈞

瘧病項背強在腰身反張搖頭掣癢噤口不語發熱
腹痛鎮日不醒其狀可畏但受病與天鈞不同中風
自汗不可再汗汗多則發瘧中濕宜微汗不可大汗
大汗過則發瘧有剛柔二瘧無汗曰剛瘧宜麻黃葛
根湯有汗曰柔瘧宜桂枝葛根湯二瘧並宜人參敗
毒散加防風主之

麻黃葛根湯

麻黃

去節

赤芍藥

各兩

葛根

二兩

葱白 二莖

豉 半合

上剉散每服二字煎服

桂枝葛根湯

桂枝

白芍藥

甘草

各二錢七

分半

葛根 兩半

生姜 一兩

大棗

四枚

上剉散每服三字煎服

內釣以癰

內釣腹痛多啼唇黑囊腫偃後反張眼內有紅筋班血者是也此寒氣壅結只宜溫散木香丸主之

沒藥

木香

沉香

舶上茴香

炒

釣藥各等分乳香

全蝎 炭半

右為末取大蒜切爛和丸梧桐子大每服二丸釣

湯下

發腸似內釣

氣痛乾啼額上有汗是小腸為冷氣所搏也宜
金鈴子散主也

並拌炒

木香各一錢

為末每服五分至一

錢調酒服

當歸散 治寒邪入腎經小腹急痛面青手足冷者

歸

木香

肉桂

人參

甘草炙

加破故紙炒小茴香炒各等分

上為末姜枣湯調服枣丸亦可

或問天鈞內鈞病痊盤腸屬何臟何以辨之曰經云
身半已上天氣主之身半已下地氣主之故天鈞在
上生於風熱宜發之內鈞在下生於寒宜溫之二鈞
者皆足厥陰肝病也足厥陰之脉外則與督脉同行
循脊而上入于顛之頂所以病則目上翻背後仰如
角弓之反張也內則循陰氣而入于小腹所以病則
小腹切痛為囊腫也諸風掉眩皆屬肝木故二鈞皆
有搐掣似驚但天鈞或哭或笑內鈞則多啼為異耳
痊病屬足太陽膀胱經上起兩目上頭循項而下行
二可循腰而下于是與厥陰之脉下行者同所以角

弓反張之證亦相似也但天鈞有搐掣而瘧病無搐掣也盤腸痛屬手太陽小腸經內行于小腹與厥陰之脉內行者不同所以小腹忍痛也但內鈞有瘕瘕而盤腸痛無瘕瘕可辨也

客忤似癇

客忤者口中吐青黃白沫水穀鮮雜面色變異喘息腹痛反側瘕瘕狀似驚癇但眼不上竄耳治法宜辟邪正氣散驚安神蘇合丸至聖保命丹主之

客忤者謂客氣忤犯主氣之病也如五氣之和自鼻而入則忤其心肝五味之和自口而入則忤其脾胃

有所驚恐則忤其神有所拂逆則忤其意當博求之
故曰心誠求之雖不中不遠矣詳見育嬰家秘

一兒半歲忽日慘然不樂昏睡不乳予曰形色無病
將謂外感風寒則無外感之證將謂內傷乳食則無
內傷乳食之證此兒莫有所思思則傷脾乃昏睡不
乳也其父母悟云有一小廝相伴者吾使他往今三
日矣乳母亦云自小廝去後便不欣喜不乳父急
命呼之歸兒見其章嘻笑父曰非翁之妙術不能知
也

一兒一歲啼哭不止予審察之非病也其父母曰無

病。帝與常子。乃問其乳母。此兒平日戲玩者。何物。乳母曰。馬鞭子。即以取至。兒見大笑。擊人而哭。止。

一兒九歲。吐乳便黃。身有微熱。予曰。此傷熱乳也。吐作腥氣。今已成積。母曰。未食熱物。予密語其父曰。必傷交奶。得之父問何故。交奶。予曰。父母交感之後。以乳哺兒。此淫火之和。忤兒脾胃正氣。也不治之。必成癖矣。何以致。曰。淫火者。肝火也。病則發。抽搐者。脾病也。積不消。則為癖。父問何以治之。曰。瀉肝補脾。乃以瀉火胃苓丸服之。

中惡似癰

中惡小兒之危惡也其病有二如中惡毒之氣者病自外至其證眩僕四肢厥冷兩手握拳不能喘息先用辟瘟散

腳躑躅花分半雄黃三分射少許

右為末用燈心三寸長蘸葉少許插入鼻孔得嚏即醒蘇合丸灌之或攝生飲

南星煨

半夏洗

木香

各五分生薑木

生甘草

后葛蒲

各一

右剉入生姜用水煎

服盡一劑以平為期如內生中惡毒之物病自內生其證心腹刺痛腹皮青黑悶亂欲死宜急攻之

雄黃辟毒丸主之

白虎證似痢

白虎證乃流年白虎歲前九位之神兒觸犯之則不
精爽而目視不轉手如斂物宜服至聖保命丹取太
陽真土伏龍肝杵碎煎湯送下取龍虎相制之義

或同客忤中惡白虎三證何氣使然曰皆客氣也客
氣不正之氣也兕之所稟謂之主氣為之忤者謂之
客氣經云邪之所奏其氣必匿故兕之主氣強者雖
有客氣不能忤也主氣弱者稍有所忤則成病矣客
忤者病之總名也中惡則客忤之重者白虎者別客

忤之輕者也治法皆以辟邪養正安神和胃為主蘇
合香丸治三病之聖藥也

蟲病似癰

蟲痛乃魃蟲攻其心痛也發則目直視口噤不言或
大呌哭口中流沫涎水面色或青或白手足強直宜
急攻之雄黃解毒丸苦練根皮煎湯下

馬脾風似癰

馬脾風者肺脹也上氣喘急而脇扇動鼻張悶亂喘
喘聲嚶啞涎壅塞其證危惡宜急攻之牛黃散主之

黑白牽牛兩未

兩

大黃二兩

檳榔半兩

木香三錢 輕粉少許 右為末和勻每服用冷
水或漿水調服為度

或問何以謂之馬脾風午屬馬為少陰君火心主熱
脾主虛心火乘肺脾之痰升故肺脹而喘謂之馬脾
風也

一兒四歲忽作喘氣逆痰壅鼻孔開張予曰此馬脾
風也如胸高肩聳汗出髮潤則不可治須急治之以
葶藶丸去防已加大黃除肺之熱合小陷胸湯除肺
之痰碾為細末竺瀝調服而愈

慢驚有三因

因病後或吐瀉脾胃虛損遍身冷口鼻亦冷手足時
瘳瘳昏睡露睛此無陽也宜待其未發而治之調元
湯合小建中湯主之如見上證雖有神丹不可治也
或問吐瀉何以生風而不可治者何也曰五行之理
氣有餘則乘其所勝不足則所勝乘之吐瀉損脾胃
者土也風者肝木所生也脾土不足則肝木乘之木
勝土也其病不可治人身之中以穀為本吐多則水
穀不入瀉多則水穀不藏吐則傷氣泄則傷血水穀
已絕血氣又敗如之何不死也
或問風從風治何以所立之方不用風藥何也曰內

經云肝若急以甘緩之以酸泄之以辛散之又云脾欲緩急食甘以緩之調元湯參芪甘草之甘可以緩脾之急為治風之聖藥也而又可以補脾芍藥桂枝辛熱之從可以建中二方合而用之治慢驚風者此東垣老人之秘傳也

因得驚風醫用利驚之藥太多致傷脾胃元氣益虛變為慢驚者此外風未退中虛又生風虛相搏正去邪存大命隨傾此慢驚風證尤慎於始也

一兒五歲病痢醫用藥治之痢轉甚其脾胃中氣下陷也予用參苓白朮散調之十日痢止予辭歸有戒

者謂其父曰無積不成痢富家之子多是肉積吾有
阿魏嘗用治痢有效父惑而聽之乃以阿魏作丸如
小豆大連服三九其子昏睡適予不至以服阿魏九
告之予驚曰阿魏雖去肉積大損元氣令卽脾胃已
弱豈可服之父曰病安而喜睡未醒也予謂乳母哺
之則目露睛氣已絕矣

有兒脾胃素弱一月病瀉以理中丸服之瀉未止口
内生瘡謂兒前藥性熱助火復以冷藥投之身微熱
腫則揚睛予見之曰此兒陰慢驚風令卽脾胃本虛
瀉則益虛口中生瘡者脾虛熱也誤服冷藥則中氣

益損昏睡不乳虛損之極也當急作調元湯倍加人參服之調理半月而愈

一女子五個月內發搐子以瀉青丸投之三四服搐不止轉甚予思痰壅氣鬱乃發搐也丸散頗粗與痰粘滯于咽喉之間致氣不通而搐愈甚也用竹葉煎作湯取綿紙濾去其渣滓澄清服之搐止而安其父漢曰醫之貴于變通也如是夫

一小兒得真搐予曰不治彼家請一推拿法者搐之其兒護痛目瞪口動一家盡喜再觀兒斜視彼曰看娘兒口開張彼曰尋娘乳吃予嘆曰誤矣觀子轉睛

謂之看娘急口張開謂之尋乳皆死證也其夜果死
肝主風急驚風搐搦振掉肝之本經氣動所生也當
急治之得心抵則發宜瀉青丸用蘗赤散煎湯送下
初發搐昏睡不醒或搐人中或搐太陵或灸中衝待
其醒而藥之

或用白僵蚕猪牙皂角細辛川芎藜蘆葇分為末吹
鼻中嚏者可治不嚏者不可治

如頑涎壅塞者用僵蚕末吐之或礞石滾痰丸吐之
家傳三黃五色丸下之

凡發搐如法治之搐止者吉如時發時止或昏睡

不醒不食者死

兒一歲發搐不止口鼻氣出溫者此真搐也不可治
搐後身暖口鼻出熱者此假搐也可治

錢氏云氣溫則內生謂肝之真臟病見者故曰真氣
熱者病自外生者也故曰假

先翁治一兒滿月後發搐以至聖保命丹治之安

祖訓治急驚風只用瀉青丸導赤散

舊縣張月山長子病急驚風十七日不醒待請予到
舌色黑矣予嘗見父念王禹經傷寒舌黑洗不紅藥
洗明分見吉函全問曰用何藥洗之父曰薄荷湯乃

依法急取薄荷湯洗之舌變紅色予曰可治也用瀉
青丸二錢煎湯服之一飲而盡口燥渴已止也其夜
搐止熱退而安此子不遇予幾死

汪元津幼子七月間因傷食病瘥七日發搐予見之
肝風雖甚脾未至困當瀉其肝後補其脾可也乃以
瀉肝散三服而搐止後用調元湯以補其脾琥珀抱
龍丸以平其肝喜睡二目不能開子思喜睡者非脾
困也乃神昏火熒熒也目屬肝而胞屬脾合目不開
者非亡魂也乃神倦也今兒目欲開欲合可知也只
用前方又二日令其家中平日相與嬉戲者取其小

鼓小鼓之物在房中水前喝舞以諫之未半日目闔而平復也凡十日而安

胡鳳崖有子痘瘡後傷食疳飢瘦髮穗有醫童一冊見之曰不是疳證乃血虛也其家惑之始効則生一病如癰非癰晝則安靜夜則夢寐挹其乳母叫三我怕我怕如人捕之狀詢其病原此兒性不吃藥一冊來與藥必將針火以恐赫之而得斯疾也蓋胃為戊土腎為癸水合而化為火腎主恐恐則傷腎此因脾胃虛弱不能生肺腎無化原亦從而虛也腎藏志腎虛則神志不寧而生驚恐也寤則神棲于心寐則神

棲于腎脾志往來出入之門戶也必以補脾為主安神次之補脾肥兒九安神錢氏安神九調理半年而安

天鈞內鈞足厥陰肝經之脉起足大指而上環陰器左交右右交左上入小復下會督脉循脊脊過而上至于巔如風傷肝則發天鈞其狀眼上翻頭頂向後仰身反折渾如角弓之狀錢氏云肝有風甚則角弓反張者是也天鈞屬木宜發散瀉青丸中去大黃加天麻全蝎蠶蚕鈞藤

內鈞者肝受寒則小復痛大叫哭目直視但不搖耳

宜急溫其內當歸茱萸湯及木香丸

當歸茱萸湯

當歸

吳茱萸 炮焙乾

小茴香炒

甘草

木香

木香丸方見驚風類證

小兒腸痛亦在小腹腰屈空啼無淚此名盤腸痛證
似內釣但不直視也金鈴子散見類證主之癰疔此
厥陰肝經痛也與腎無干皆寒所致有腫而不痛者
名癰痛而不腫者名疔有腫又痛名癰疔茱萸內消
丸主之

本縣大尹梁公子病疔右邊睪丸腫大如雞卵長約

五寸上絡臍傍下抵陰囊直直硬痛大小便不通急
召全全立方用當歸川芎木香青皮去穢山梔仁山
查子小茴香川練子澤瀉二劑而安

卵腫小兒性急多哭者有之

予曾治小兒立方用香附子川芎木香青皮山梔子
麥芽等分作丸服之

又小兒一腸痛予用諸證辨疑內一方五苓散加川
練子小茴香入鹽一捻煎神効

肝之竅在目目赤痛者肝熱也宜瀉青丸加黃連作
丸服之

目中白膜遮睛者肝虛也宜瀉青丸去大黃枝子加
乾菊花木賊蟬蛻作丸服

經云肝有熱者則小便先赤焦赤散加梔子條芩
甘草稍主之

本府三守小姐溺出如青水若因處潰亂成瘡夫人
憂之守問全云莫非女之臟腑壞也答云膀胱受五
臟之液以藏之是為溺也各隨本臟之色青者肝之
色也着處成瘡肝火盛也火之所灼則潰爛矣全獨
治之以前治小便赤方更加黃蘗為丸調理五日而
安夫人大喜命小姐出而拜之

拾陰臭神效

當歸

膽草

山枝子

木通

車前子

澤瀉

井草稍

條芩 水煎

肝有病則大使難瀉青丸木通主之

錢氏云肝熱者手循衣領及亂捻物或咬非

一小兒五十日晝夜啼哭不止予用瀉青九五厘竺

葉煎湯入砂糖少許調服立止

咳嗽不止作搐者此肺衰也而肝木侮之也當先補

肺阿膠散後瀉肝瀉青丸搐止者可治不止者不治

木寡乎畏也錢氏所謂三補品而咳嗽不除三瀉肝

而肝搖不止者是也

斬水舉人蔡沙江有平病咳以不止請予治予往見其連聲不止咳時面青右手嘗自擺動謂沙江曰今即不可治也沙江問何故曰嗽者肺病也肺屬金面青者肝之色也肝屬木手擺者肝風欲發之狀也木來侮金寡平畏也維今十月金病木生之時四時之序將來者進成功者退木生而進金病而退發搖不可治也甲乙日劇果甲乙日搖而死

黃州府井秀才女驚後右手大指屈而不能伸醫用全蝎蠶蚕治之不効問予求治法肝主筋筋賴血養

故曰掌得血而能屈也血燥則筋枯屈而不能伸也
手大指手太陰之脉以起也金本性燥復用風藥以
治之燥益甚矣劉宗厚云休治風休治燥治得火時
風燥了乃授一方用人參固本丸加黃芩黃蘗知母
作丸服之

百日内兒痛最惡謂之胎驚錢氏論詳

驚風後餘證

搐後成癱瘓者左氏謂風淫末疾是也肝主筋肝熱
則筋弛而長長則軟弱手足伸而不能屈矣肝寒則
筋縮而短短則拘攣手足屈而不能伸矣並宜六味

地黃丸止之。發熱者加附子肉桂。軟弱者加黃蘗知

母。常歸牛膝續斷蜜丸服之。

驚風後

驚風後疳不能言宜六味地黃丸加巴戟遠志石菖蒲。
本縣一尹吳子生四個月病驚風搐過則昏迷不醒
發搐則醒服邪視右乎搐搦請予予曰此真搐不可
治而辭退

心經主病 心主驚實則叫哭發熱飲食而搐
虛則因卧悸動不安

實則瀉赤散瀉心湯 虛則二安神丸服之

煎赤散

治心熱及小便赤夜啼

生地黄

木通

甘草稍炙各等分

剉加竹葉水煎

食前服加黃芩各火府散

瀉心湯

治驚熱

黃連去心一錢

為細末每服一字至半錢臥溫來調服

錢氏安神丸

治邪熱驚啼心痹面黃頰赤壯熱

麥門冬

馬牙硝

曰茯苓

山藥

寒水石煨飛甘草各五錢朱砂一兩飛腦子一字

右為末蜜丸芡實大每半丸砂糖水化下無時

東垣安神丸

經云熱淫所勝治以甘寒以苦瀉之以黃連之苦而去心煩除熱為君以甘草生地黃瀉火補氣生陰血為臣以當歸身補其血不足朱砂約浮游之火以安其神也
甘草五錢半黃連酒炒六錢

當歸身二錢生地黃錢半朱砂五錢水飛為末
右為末蒸餅丸黍米大朱砂為衣每服十九至
十九丸溫水送下

兼證

諸熱驚悸不安多啼此心臟本病也宜瀉赤散加朱砂主之甚者涼驚丸三黃瀉心丸

兼見肝證則發熱而搐宜木通散主之

兼見脾證則嗜卧夢中咬牙多驚宜錢氏安神丸主之

兼見肺證則發熱作搐而喘宜青寧散主之

兼見腎證為驚癇發則忽然仆咬开搐搦手足逆

冷發過即醒精神恍惚

蓋心藏神驚則傷神腎藏志恐則傷志小兒神志怯弱有所驚恐則神志失守而成癇矣如書傳所謂請僧寄名僧為摩頂誦咒鬼被赫而成癇後見穿皂衣人即發是也亦有驚以成癇者初起即可治定志丸主之父母怠忽以而不治遂成終身之患

一小兒驚後成癇予制一方天水散一料碾為細末
分作三劑二兩三錢八真青黛五錢碾勻名清魂散
寅卯時煎竹葉湯調服一錢以平肝火一劑二兩三
錢入朱砂水飛五錢名安神散巳午時煎燈草湯調
服以鎮其神一劑二兩三錢八真輕粉二錢研勻名
定魂散申酉時煎淡姜湯服以去其痰旬日而安
一小兒十歲久得癇疾予視而自渾白無有睛光語
言蹇澁舉動寢迷乃語其父曰不可治矣後請醫治
之竟無成功

驚久成癇乃痰迷心竅之病最為難治或分五癇以

牛馬狗猪羊名之者未見其方不必拘也錢氏五癰
丸祖訓未用予亦不敢輕用也凡有者當先觀其狀
貌而後治之可也如伶俐聰明者可治之若成癰呆
言語錯亂不必治之如強治之終無成功間有聰明
伶俐治之無効非真癰也此宜琥珀抱龍丸主之或
辛香者不如抱龍丸猶穩

蘄水周維峯有子病癰予見神氣昏滯語言含糊狀
類癰呆告其父曰不能治也辭歸

黃州府萬魯庵有子病癰予見容貌俊偉性格聰明
告其父曰可治乃與琥珀抱龍丸方便自製服之

本縣汪前川兒驚病一月之間嘗發二三次予曰不治必成癇也求治于予乃立一方用枳實黃連半夏白茯苓各等分折半朱砂飛又折半同前碾末神曲糊丸芡實大朱砂衣每服一九用獾猪心一個開入藥在內綫紮定放瓦罐中煮熟取出猪心和藥食之以湯送下後竟不發名曰斷癇丸

心所生病

經曰諸痛痒瘡疾皆屬心火

發揮云心火者君火也君務德而不為毒為痒痛瘡瘍者乃命門相火之所為也小兒諸瘡皆胎毒也命門者右腎也雖云男子以藏精女以繫胞父母命門

之中原有伏火胚胎之始兒則受之既生之後其火
必發為癰疽丹疹疥癬一切惡瘡名曰胎毒者是也
古云立法于兒初生之時有拭口法有黃連甘草朱
密法無非以解毒而設也後人因之合上三法取臍
帶合藥名曰育嬰延齡解毒丹方備載在前戶痰條
東垣之治紅絲瘤丹溪之治小便淋皆有解毒之法
見格致餘論請博求

予立一方以丹溪三補丸半生用半酒炒甘草半生
半炙各并分為末雪水丸麻子大朱砂雄黃各二分
之一水飛為衣淡豆豉湯下初生二臘內服之良天

行痘疹之歲猶宜服之

小兒初生有育嬰廷齡解毒丹服之能解其胎毒其有發瘡瘍者有迦源解毒湯乳母服之

丹痛此胎毒之最酷者即紅絲瘤也名龍纏火帶也

乃小兒之惡疾二歲以上兒可治半周歲者難治百

無一二也發處腫硬一塊其色甚赤手不可近如火

炙流舐往下翹走自頭上起至心即死自足下起至

腎即死古方治法無可取者唯家傳蟬針法砭法出

其惡氣以泄其火毒十治六七誠良法也經云血食

者決之是也切不可用寒涼之藥傳之使火毒鬱而

不得泄入腹為腹脹為腹痛為喘為驚狂為搐搦者
必死宜用通聖散全料剉細入酒中浸濕晒乾炒碾
為極細末蜜水調服外以通聖散加金銀花藤葉煎
湯浴之此水漬法亦火鬱則發之也先發驚後發丹
者可治通聖散主之或用蘆薈散加連喬玄參防風
荆芥薄荷丸先發丹後發驚者不治

疥癬乾者可治胡麻丸主之若浸淫潰爛肉無完膚
日夜啼哭者不可治切不可用砒硫粉永為藥搽之
使毒氣乘虛入腹發搐發喘者皆死

胡麻仁炒

苦參

耳菊花

大力子炒

石菖蒲

何首烏

藏靈仙

蔓荊子

烏梢蛇酒

去皮骨取肉焙乾各等分一本有蕤荬炒

黃連炒

無蛇

右為末酒為丸麻子大竹葉

湯下

此祖傳十三方也

治小兒瘡疥宜調乳母迺源解毒湯主之

人參

歸身

赤芍藥

川芎

黃連酒炒

連翹

木通

生地黄

陳皮

甘草

水煎服以少許服兒佳

本有竹瀝

小兒生下遍身虫疥乾痒喜人摩拍予制一方用烏

蛇酒浸焙乾取肉一錢若參酒浸焙乾二錢胡麻仁
炒白茯苓炒去各一錢五分共為末用浸蛇與苦

參酒糊為丸甘草湯下愈

一兒五歲每至春時則遍身生膿汜瘡此胎毒子成
用搽藥恐粉砒硫之毒乘虛入腹以胡麻服之而愈
更灸風池血池曲池三里自此再不發矣
凡瘡入腹腹脹大小便不通或喘或作搐者先用雄
黃解毒丸治之

雄冠雄黃飛二錢

真鬱金

莊大黃略

錢

巴豆霜一錢一木無大黃

右共礪勻水糊丸小豆大每服一二丸不清下比
續傳十三方也

黃州李四守生子五個月遍身濕疥一旦盡乾召全
問之全曰瘡出驚止無憂也連更數醫不能治

小兒生癰毒者不可輕針恐傷筋骨慎之

一子滿月後血盆中發一癰請外科胡長官針之斷
其骨竟不可救

小兒頸下或耳前後有結核者此熱也切不可作廔
瘰治之內服蟹螯外施針火及爛藥必殺兒也戒之
予家傳消結神應丸乃新立真神方也 黃芩

黃連炒

山梔仁

生貝母

海昆布

酒先

海藻洗

桔梗

麥蘗炒

各一錢五分

紫背天葵

玄參

連翹

瞿麥

各二錢

薄荷葉一錢五分

右共為末酒煮稀糊丸芡實

大每服一九酒下

蘄水朱震三子結喉上生一核如李問予求治予謂

病原式云結核者熱也又攷本草消結喉之藥立一

方與之遂買藥製成藥未溫湯調服効病此者服之

無不應驗乃名之曰神應丹

國風帥碧泉致仕在家唯一公子項下生一結核感

于醫作瘰治用藥破爛轉加腫大此任脉所過之路
元氣受傷致成疔證醫無識其證者及請予往勢不
可為矣

王思臬一女四歲耳後側有結核問予予曰非瘰瘡
乃痰核也不必治亦不為害他醫所惑作瘰治之用
螫蝨內消之藥過多脾胃受傷致成疔瘡而死哀哉
馬刀多生于耳後前腫硬赤痛俗名疔腮用散毒散
救之神効

主方用生萊豆碾為細末釀醋調如膏敷之再換神
効 又方治結核用五倍子研為細末醋調服之皆

効此皆家傳之方也

肥瘡農血推積久不愈用熟皮蜜上煙膠松香共研清油調搽如蟲多不絕用水銀鉛製入鍾內指搽唾調搽上蟲盡斃矣

軟癰不愈只用紫金丹水磨搽之膿盡乾而自効也又苦參研末敷之

耳前後或鼻下或眉間生瘡赤爛用蘆茸石海鹽蛸研末八輕粉三之一和均敷之

腳背上生瘡疼痛不常久不愈俗呼牛頭癰用雞子黃熬油搽之

此心脾二經有熱也用蘗油散搽之

生黃蘗生黃蘗 生地黄生地黄 白楓白楓 槲櫟槲櫟 研細末

搽之

口舌生瘡乳食不得者宜洗心散服之

大黃 麻黃 白朮 當歸

芍藥 荆芥穗 甘草 薄荷葉

右判水煎服更用栢連散搽之

滿口生白雪瘡又各鵝口瘡先用珠砂白凡礬末

口舌初又用鵝公一隻以糯米於口中喂食盡取水

洗之

一見患口舌生瘡醫用藥服之搽之者皆苓連知藥類無効予曰心熱所為苦八心而反助其熱宜無効乃作洗心散與之一服而安

予外甥李中庵子也滿口生瘡咽喉唇舌皆是令人取藥予製一方用藥連一錢朱砂白朮五分黑婦焙乾三分共為研細敷之立効乃奇方也

鬼有重舌重齦者宜用三稜針刺去血肉服東垣赤痛散凡口內諸病唯針最捷

舒熱者心熱也涼亦散弄舌者脾熱也瀉黃散主之錢氏云心主驚心藏神鬼心氣陰弱或聞大聲見異

物異人未有不動其神也謂之客忤

驚後其氣不散鬱而生痰痰生熱熱生風如此而發
痛者陳氏所謂氣逆而作痛而發驚者疑也此驚風
二字所以不同

凡因驚而發搐者此心火旺而肝木乘之宜先止其
搐煎赤散作湯吞下河間當歸龍薈此後安其神錢
氏安神丸主之有痰涎壅塞者先降其痰辰砂膏主
之先止其搐後安其神

辰砂膏下痰甚妙

辰砂散三

礪砂

馬牙嶺絡錢玄明粉二錢全蝎去毒

玳瑁珠一

射香一字 右另為末和均用好油單紙包起自然成膏每用一粒許治諸驚薄荷湯調下 胎驚乳汁和棗湯下

先翁治驚風至聖保命丹

方見肝部此但加蟬蛻一錢 便君子一錢五分

英山縣大尹吳清溪子病驚風諸醫作風治之不効急差人請予予往見尹曰非風也乃因驚得之風從肝治驚從心治不識病原如何有効乃取至聖保命丹治之攝止矣次日邑中僚屬士夫皆來問之尹明名不虛傳果良醫也彼一見自有主意不似他人謬

力留住數日厚待而歸

心屬火惡熱心熱則煩多夜啼或日夜啼宜熨赤散
主之

本縣大尹張鼎石公子生四月無乳取一民壯婦人
乳之一夜大帝取醫并大用治之吾所傳者呼為腹
痛用理中湯不効又呼為傷食用益黃散又不効夜
更啼哭急請予視之并語其故意歎我扶同其言也
心本惡熱藥中又犯乾姜丁香如何不助火而益增
其病也乃請公子看之尹曰夜啼四日矣全曰夜啼
有四心煩一也尹曰傷食乎腹痛乎余曰腹痛則面

多青傷食則面多眇白今面多赤心煩證的也大用
趨出予用熈赤散加麥冬燈心進一服次早往問之
用自內出云昨夜到天明不止予嘆之彼喜其藥不
中病也不知病退矣余入隙尹曰昨夜哭猶甚也予
告之曰公子病安矣公子貴體微和四自夜未乳昨
夜病退思乳乳母在外故知往夜之哭病哭也昨夜
之哭飢哭也尹喜曰怪哉乳母來後再不復啼矣病
果退也

心熱有喜面合卧者有喜仰卧者宜熈赤散三黃瀉
心丸主之

兒性執拗凡平日親愛之人玩弄之物不可失也失則心思思則傷脾昏睡不食求人不得則怒怒則傷肝啼哭不止此忤其心也謂客忤成病也平日未親愛之人未見之物不可使之見見則驚驚則傷心凡未見之人不可使之近迫近則恐恐則傷腎令兒成癩此皆客忤病也今之為父母者則稱所畏者以止之如長老止夜啼之故事為醫者因兒不服藥則持針以搏灸以迫之令兒生病

楚府典儀胡西序漱三溪翁之伯子也幼多疾托予調養至丁酉七月七夕周歲三溪謾酒請予作乞巧

會日沒後哭不止予視之無疾復即席初更哭尤甚
母促再視果無疾曰無疾何以黃昏哭一更不止予
思外候無證但見兒左右顧盼其當直之人如有所
失者口不能言但啼哭此物哭也猛詢問其當直曰
此兒今日所戲者是玉印子也已收拾矣急命取與
之兒笑而哭止三溪曰如保赤子心誠求之善哉添
酒惟醉而歸

諸汗

汗者心之液也唯頭汗不必治小兒純陽之體頭者
諸陽之會心屬火頭汗者炎上之象也故頭汗者乃

清陽發越之象不必治也

自汗者晝夜出不止此血氣俱熱榮衛虛也宜當歸六黃湯主之其方以黃芪以補其衛當歸生地黃以補其榮參連翹以瀉其氣血之火用浮小麥為引入肺以瀉其皮毛之熱此治諸汗之神方也

盜汗者夢中自出醒則乾也其病在腎宜當歸六黃湯加止汗散主之

錢氏止汗散 敗蒲扇燒存性碾末入煎藥內假物

象形之理也

本縣江蘭峯以子七歲頭面出汗如流用人參當歸

二味同獷猪心煮湯服之安

諸熱

小兒病則有熱熱則生風不可不調理也

肝熱者目中青手尋衣領及亂痰物瀉青丸當歸龍
薈丸主之

有身熱口中氣熱濕風證者謂之風熱亦肝熱也宜
生犀散脫甲散主之

心熱者目中赤視其睡口中氣溫喜合面睡或仰睡
土竈咬牙宜導赤散黃連安神丸主之

有一向熱不已亦心熱也甚則發驚癇宜黃連安神
丸主之

如目中熱心虛也宜錢氏安神丸主之

脾熱者目中黃弄舌瀉黃散茵陳五苓散主之

有但溫而不熱亦謂之溫熱亦脾熱也宜人參白虎湯主之

肺熱者目中混白手搯眉目面鼻其枯渴木通散主之
有時間發熱過後却退次日依時發熱謂之潮熱此亦肺熱也宜地骨皮散主之

腎熱者目無精光畏明脊骨重日中白精白多其顧
即鮮地黃丸主之

熱有表裏

表熱者多因傷風寒之故喜人懷挹畏縮惡風寒不欲露頭面面有慘色不渴清便自調者此熱在表也宜發散惺惺散敗毒散升陽散火湯十神湯選用之裏熱者喜露頂面而卧揚手擲足揭去衣被渴飲冷水兒小不能言吃乳不休者是也小便赤大便秘此熱在裏也宜解利之涼驚丸三黃丸四順清涼飲涼隔散錢氏抱龍丸牛黃涼膈丸黃芩湯選用而有表裏俱熱者宜通聖散柴芩湯人參白虎湯選用

熱有虛實

虛熱者多在大病之後或溫熱兼潮熱或渴或不渴

大小便如常宜補之竹葉湯調元湯地骨皮散主之
實熱者面赤腮燥鼻乾焦喜就冷或合面臥或仰臥
露出手足掀去衣被大渴飲水大小便秘宜瀉之神
膏丸大金花丸大硬不通者用膽募法

或問治熱以寒治寒以熱良工不能廢其繩墨也今
治虛熱乃用溫藥者亦有說乎予曰說見內經實熱
者邪火也可以水制可以實拆故以寒治熱者逆治
法也虛熱者真火也水不能制寒水能拆唯其溫之
劑可以勝之故以溫治虛熱者從治法也逆之從之
不離乎正

按錢氏書中有潮熱發搐似驚者附會之說也蓋熱則生風諸熱不退皆能發搐不時潮熱也其以十二時分五藏者固是愚竊有疑焉人身之氣晝則行陽二十五度故晝則發搐夜則明了者此熱在氣分宜小柴胡湯合白虎湯主之夜則行陰二十五度故夜則發熱晝則明了者此熱在血分宜四物合桂枝湯主之如晝夜發熱者此氣血俱虛也宜如前去分表裏裏實治之如日晡潮熱乃胃中有宿食也宜下之小承氣湯三黃枳朮丸主之

如傷風發熱傷飲食發熱憂蒸瘡疹發熱胎熱疥熱

各隨其類治之

生犀散 治風熱

地骨皮 赤芍藥

比柴胡

乾姜各一兩 甘草半兩

生犀角 錢

右為細末每服一二錢水一盞煎七分溫服

肥用散

治夾驚傷寒煩躁渴

柴胡

官桂

龍膽草

甘草炙

知母 錢各三

白茯苓二錢五分

人參

川芎二錢

麻黃連根節二錢 熟苾加升麻葛根

右為細末每服一錢入連鬚葱白煎服

黃連安神丸 治心熱

勿科發渾卷之上

五

改文堂

朱砂飛四錢黃連五錢 甘草五分

右為末餅丸黍米大每服一二十九燈草湯下

木通散 治心肺熱 生地黃 木通

別芥 地骨皮 桑白皮 甘草炙

桔梗 各等分 右剉細入生薑水煎服

地骨皮散 治夜熱及潮熱虛熱病後餘熱

知母 柴胡 甘草炙 人參

地骨皮 初搽 牛夏 赤茯苓 各等分

右為末量人大小加減入生薑水煎

升陽散火湯 治諸熱在表者宜發散之乃火鬱則

發之也

升麻

荷根

獨活

羌活

人參

白赤芍

各五防風五分

柴胡八分

甘草炙二分 甘草生二分 水煎

牛黃解毒丸

治上焦壅熱口乾咽痛燥煩延潮

馬牙硝

寒水石

石交各二兩 甘草

微炙

膽星三錢

柴石英

五錢

牛黃

腦子

射香 右為末 練蜜丸每一兩分二十四丸每一

丸薄荷湯化下

神芩丸 治一切諸熱實者服之虛者禁用

大黃

黃芩各二兩 牽牛頭末

滑石

各四

黃連

薄荷葉

川芎各半兩

右為末水化隨大小加減溫水下

黃芩湯

治心肺蘊熱口瘡痛淋濁不利

澤瀉

枝子仁

黃芩

麥門冬

木通

生地黃

甘草各等分黃連

右剉入生薑一片水煎

竹葉湯

治虛熱

竹葉

石膏

半夏

麥門冬

人參

甘草炙

粳米

右剉除粳米外先煎衆藥成去渣入米并

煎米熟去米腥

柴苓湯

小柴胡合五苓散

通聖散

大金花丸

敗毒散

涼膈散

河間涼膈散用硝黃東垣涼膈

散去硝黃加桔梗

四順清涼飲十神湯

茵陳五苓散五苓散加茵陳

一兒生下頂有目赤口瘡之症自是頭常熱山根青

筋橫截勿疾甚多予曰此胎熱也其治在肝小兒者

純陽之體頭者諸陽之會肝為乙木旺于春乃少陽

發生之氣經云春氣者病在頭故頭常熱也肝之色

青故青筋浮露也肝常有餘不治恐發驚風乃用瀉

青丸去大黃加黃芩為末煉蜜為丸服之自此頭涼

勿科發揮卷之上

卒

敗毒散

青筋根沒亦少病矣

一兒發熱至日晡尤甚其醫作瘧治不効又作潮熱治亦不効予曰此胃虛有宿食也謂瘧疾則寒熱有發有止謂潮熱則發有時如水之潮過即退次日依時復發此兒身嘗溫熱至申酉時則甚故知是宿食發熱也彼曰有所據乎曰出仲景傷寒正理論陽明病證云潮熱者實也宜下之以三化丸下之愈

一兒驚風時熱不退羣醫有議用小柴胡湯者有欲用竹葉湯者有欲用涼驚丸者予曰大驚之後脾胃已虛宜溫補之三藥寒涼不可服也乃作理中湯用

妙乾姜一劑熱除

己未冬十月本府三守張公子於初三日發熱初五日熱亦甚目上直視口多妄言衆醫作風治無効時代巡汪府所屬州縣官各舉其醫皆莫治吾縣大尹張憲來公以全薦張公亟召之全往此二十七日也診其外證稟曰公子病勢將退但肺熱未除耳公曰何如全曰三閉黃潤而自精明此病當愈惟正面戴陽喘氣上息此肺虛熱也公喜曰予正憂其氣喘汝謂無妨當用何藥全曰小阿膠散衆醫噤而阻之公不聽竟服一劑其夕喘止熱退始求微食二十八日

早公謂衆醫曰汝等作風治誤矣昨聽汝等之言則
無此効早請浹來此兒不受苦也衆慙而退二十九
日賜金馳驛而歸

脾經主病

脾主困實則日晡身熱飲水

虛則吐瀉生風

實則瀉黃散三黃九瀉之

虛則益黃散異功散

小建中湯調元湯肥兒丸補之

瀉黃散 治脾熱弄舌

藿香葉七錢山枝仁

二兩

石膏半兩 防風四兩

右剉蜜酒炒微香張為

未水煎溫服

益黃散

治脾胃虛冷

陳皮一兩

青皮

訶子

甘草炙

丁香二錢

右為末水煎服量兒大小加減

治脾胃寒濕太甚神品之藥也以補脾胃之虛誤矣
病非嘔吐瀉痢清白不可服也東垣云丁香辛熱助
火火旺土愈虛矣青橘皮瀉肝丁香大瀉肺與大腸
脾胃實當瀉子今脾胃虛更瀉子而助火重虛其土
殺人無疑故以異功散代之

錢氏異功散

溫中和氣

治吐瀉不思食及脾胃

虛冷痛

人參

白茯苓

白朮

甘草炙

陳皮各等分

右為末每服錢半至

一錢水煎服即四君子加陳皮

調元湯

補脾胃扶元氣之聖方益脾土瀉火邪補

元氣之要藥

黃芪蜜炙

人參各等分炙甘草半斤水煎服無時

小建中湯

治脾胃中氣虛損

加黃芪名

黃芪建中湯

白芍藥酒炒炙甘草各等分

肉桂成半

右剉末水煎成劑去渣滓入白飭一匙再煎一沸

溫服

肥兒丸

小兒脾胃素弱食少而瘦或氣強壯偶因

傷食或因人病後瘦此家傳秘方

人參

白朮

白茯苓

山藥蒸

蓮肉

當歸身酒洗各五錢

陳皮二錢

青皮

木香

砂仁

史君子

神曲錢三

炙甘草

桔梗

麥蘖各二錢右為末荷

葉浸水煮粳米粉糊丸麻子大每服十五丸二十
五丸三十五丸四十五丸至五十丸米飲送下

無證

諸因睡不嗜食吐瀉皆脾臟之本病也昏腫身熱宜
胃苓丸琥珀抱龍丸主之吐瀉有冷有熱冷者不渴

理中丸主之熱者渴飲冷水五苓散調天水散主之
魚見肝證初傷風吐瀉惡風發熱煩急煩悶此宜發
散惺惺散主之如先吐瀉後發熱驚風者不治
五苓散能分陰陽止吐瀉利小便定驚悸

猪苓

澤瀉

白朮

赤茯苓

分

桂枝

右剉或為末水煎加硃砂五苓散

加

茵陳名茵陳五苓散

天水散一名六一散一名益元散除熱止渴化痰

利小便

滑石

飛過六

甘草名一兩

右末碾均水調服

惺惺散

治傷寒時氣風熱痰涎咳嗽

四君子加

桔梗

細辛

小麥根

防風各半

右為末小者每服一錢大

者二錢八薄荷葉五片

水煎至七分溫服剉亦可

煎見心證發熱昏睡夢中驚悸宜東垣安神丸王之
渴飲水辰砂五苓散

煎見肺證發熱昏睡氣促而喘者宜葶藶丸主之

葶藶丸 治傷食衝脾傷風喘嗽痰涎喘促者

甜葶藶

去皮葶藶

黑牽牛炒取頭末

防已

杏仁去皮尖所為青葙分石研和均

取膠束肉去皮作爛入棗丹梓九麻子大每服五
凡至七凡淡姜湯食後臨卧送下量兒強弱加減
予今家傳夫黑牽牛加蘿蔔子真蘇子炒入七炒
最見腎證羸瘦腹弱嗜卧不能起者宜脾腎兼補
腎宜地黃丸補脾宜養脾丸如瀉以便潔血者死
補脾丸 此家傳補脾之聖方小兒脾常不

足者寔
此補之

人參

白朮

茯苓

粉草

白芍酒炒

黃芪蜜炙

陳皮

當歸身

山藥

蓮肉各一兩神曲五錢

四桂五分

右為末荷葉水煮粳米糊丸麻子大米飲下

一 女者卧發熱頂軟頭傾倒不能舉諸醫作風治而持疑不決予至見之謂諸醫曰此陽虛病也蓋頭者諸陽之首胃者諸陽之會此女必乳食傷胃胃氣不足故清陽不升而項軟不能任元也可服調元湯一劑而安人皆嘆服

脾所生病

經云諸濕腫滿皆屬脾土